

張
季
子
詩
錄

張季子詩錄卷五

自光緒十年甲申訖十三年丁亥錄四十五首

南通張 審

鎮海楊生示春燕詩即贈

杖策歸來日周旋見此生姓名隨市隱神采與詩清
風雪鍵門迴江湖入夢驚試吟春社燕羈屑感滄瀛
海嶽歸來圖爲某作

道路繇來險滄波况爾深乍看行篋畫謂是券游心天
壤馮夷宕山川自古今廻帆聽撾鼓吾意却沈吟
金州述別聯句

西風吹送幕庭寒 此君 萬里驚秋客袂單
遼海無因悲

遠戍寒燕雲有夢促征鞍清笳一迸州門淚心跡風平苦

酒難平壯士肝出塞王師近棄勝漫君一時諸將自登

壇寒

平津賓客幾人存寒往事低徊僕射恩豈謂生平託箴

履履平更煩涕泗到荃蓀淒涼丹旆橫秋色漫君零落

青袍惜故痕杖策何如歸隱好寒迪維皇甫各山村履

平

贈金州同知陳鶴洲士雲聯句

平生回首信陵門漫君于我渠渠夏屋存刀壁似聞求

故器寒風雲徒悔信招魂金州司馬賢無對漫君盛府

虎落巡邊接豆盧鯨濤動地戰蒼梧未聞宿將醜千戶
坐聽辭官汎五湖塞上何人驢得馬山中無事看驚颺
要知陸賈歸裝富意氣還愁白屋儒

讀史雜感金州歸後作

章武開基絕可憐坐看談笑蜀宮絃生平不悔南陽老
尙覺生兒是象賢

劉漢後主

到口笙篴雅自精青驢白馬任微行宮中不少穿鍼女

看挾千錢向輦營

宋後廢帝

曾救皇孫愛手書東宮哭拜與親扶何堪正寫中央喜

猶聽牀前喚阿奴

齊廢帝

淒涼玉樹後庭辭
叔寶心肝大可知
狎客不須誅孔範
都官猶解五言詩

陳後主

自題畫象寄畏皇廣州

虎頭食肉更何因
歷落嶽奇可笑人
不分遊仙期郭璞
敢將達旨擬崔駟
歸來萬里風雲氣
苦憶三年嶺嶠春
寄與戎旂相對坐
江梅着蕊正霜晨

送梁編修鼎芬歸番禺二首

聖代能容直封書未是狂
九關騰猛虎一角弄神羊
山木知應壽函刀故有銚
沈冥看六合吾意爲蒼茫

去國猶常度無家苦說歸
扁舟窮瘴海九月惜芳菲
古

意論交在良才與世違
天寒煙水濶
慎重雁南飛

題王君泰山感舊圖

庚辰吳武壯公長慶被詔入都
道經泰安因與幕客楊
安震彭汝櫟及饗同游泰山
題名快活嶺後八年王
君過而作圖

豫生抵死爲知己
孟德欺人殊不才
十載報恩猶有字
千金延士更無臺
愁中落葉秋千片
紙上招魂泣幾回
太息王生懷舊處
雲根題字黯蒼苔

題梁節盦青天倚劍圖

長歎無端掩陸離
申茱萸桂鎖相思
未應晞髮陽阿日

浩蕩靈脩不汝知

一劍防身任蒯緤
連天海水正殷秋
男兒要識君恩重
留斬名王席上頭

李大令索贈

李侯始爲政
昔在楚柴間
中格三年考
移官兩鬢斑
地偏行法易
兒好讀書嫻
却憶同游處
風泉滿定山

題翁鍊梅 長森 詒研圖

去年落木江城夕
願五清尊餞歸客
坐中翁子五尺長
玉貌皓然瑩
火雪重來江上春
正寒示我研圖先
世澤面背兩側字
十行紙墨相妍潤
寒壁攷其失得幾滄桑

甲辛乙丁漫成昔晨窗坐對長嗟咨我未見研研有辭
世萬子孫永寶用比于夏鼎商周彝世間珍物豈不貴
以人壽物賢者知翁子溫文衆所羨况有眞實相磨治
爲誦杜陵石研詩無負起山明光姿

集杜題仕隱圖應范月查觀察

大雅何寥廓先生藝絕倫詞林有根柢文雅見天真浩
蕩長安醉行歌泗水春生平江海興寂寞向時人
矯然江海思進退固其宜金璞無留礦騏驎帶好兒羣
公紛戮力此道未磷緇鑿激勞懸鏡風雲若有期

昔悔

少壯事行役悠悠十餘載患難亮非一犇走亦云殆北
尋微聞山東汎渠弭海之罟碣石間風濤去來每陳軍
箕子國玉劍憂辱鎧當其壯往時盛氣輒百倍束縛報
恩私功名置有待風雲一朝變苦心聽功舉浩然歸滄
洲徘徊惜文彩皓鶴乘戎軒置身已凡猥况與雞鶩爭
但見鷗鳧緩往計真自疏來轍庶幾改有宅一區存有
田一壠在農桑世所業茶薺吾可采撫今瞻疇昔慷慨
有餘悔

種樹

不爲江海人當勤稼圃計圃逸而稼勞擇焉力其易朝

繙種樹書夕即老農獎商量百晦間隴畝有餘地噴之
欲通陽溉之欲瀕蒞荷鋤請自今永言敦樹藝
種樹不種籬樹成無隄防一舉兩善兼分畦樹榆桑桑
葉供飼蠶榆根供作香移栽二千本疎密各相當愛之
如嬰兒護之如恐傷期之十載後桑好榆如墻

岡桐實可油厥產盛于蜀女貞若烏柏元明始著錄本
大云及拱實石利三斛緣渠帶脩陂割地妥諸竹棗柿
桃李梅枇杷數株足生用求實際不取但充腹

嘉木旣蕃殖欣欣有餘歡衡塘及從渠井井不相干呼
備種菱藕風葉媚幽淵婦孺識茲趣大人時開顏懇懇

與僮約勿厭督教煩信能灌園老何知行路難

開封寄懷鄭太夷江寧二十韻

三月丹陽郡兼旬太守衙相過交宿轍一別汎歸查到
海春波壯連江夜雨賒贈詩真可味相厚欲無涯自以
孫嵩弟還隨鄭相車通津時易楫暑路正嘗瓜入洛庸
堪喻遊梁自昔誇吹臺看則律壽嶽失捨衍蜃陸衢成
滄郊荒海是沙塔寧嬉魍魎河險走龍蛇幾易隋隄柳
都無定邸花灰塵魏公子禾黍趙官家代圯城頻累時
艱吏尙奢千錢徵膾鯉五命盛膠鬲文物懷司隸風流
蕩永嘉侯生從家寔鄭驛覽要遮憶子騫雲鶴憐余失

侶蝦蟆奇天所賦軒輊世何加魯國諸生賤陳留父老
嗟獨能無意嚮常此負桑麻

送徐大歸淮安

八月河南決排空萬派渾魚龍驕白日鴻雁滿中原送
子歸淮浦秋風下海門獨憐千里外東望有驚魂

題歸舟載石圖卷子

圖爲杭州吳鍊琴刺史道光中葉歸自鬱林所作卷
首五字阮文達公元題刺史文達公甥也

鬱林山水控蠻天刺史風流到眼前但識畫圖珍拱壁
都愁巨石化雲煙外家况渾儀徵舊後嗣能爲甫里賢

今日收民須美政，幾人清德與俱傳。

書懷示同里生

千里仍爲客，三秋未到書。親庭應念子，稼事定何如。夢去黃流斷，愁來黑髮疏。愛君爲同里，強得話鄉閭。

桃源旅舍有感吳武壯公

一年再過歲，庚辰素鞞燕齊萬里塵。橫海况隨天仗遠，度遼重見使符新。煙雲蕭索籌邊府，詞賦蒼涼給札人。縱使頻來雙鬢好，獨能無恨向關津。

徐州道上

芒碭山荒大澤空，駢車馮吊太匆匆。等閒戲馬呼鷹事，

付與西風落照中

王尼露處愁方始枚叔歸來鬢有塵今日中原須將帥
吹簫屠狗更何人

雙滸

人人愛說江南好才入徐州便不同風土不妨仍廣漠
山川自合產英雄時因水木來清氣難得盤殮有古風
昨日黃鷄兼白醜驩然酬直醉城東

張季子詩錄卷五終

張季子詩錄卷六

自光緒十四年戊子訖十七年辛卯錄六十二首

南通張 謇

爲曹大令懋功題其祖曹孝子閩歸集

閩海波潮迴江天日月高
斯人傳孝義遺詠見風騷
明德開孫子交驢託椽曹
獨應慚菘黍猶與誦伊蒿

清河至贛榆道中十首

三載三經公浦路東西南北鎮
勞人無端磊落嶽崎客
又向荒涼寂寞濱

舟車再易太匆匆中運河千載短篷儘有春愁消不盡
船頭聽雨又聽風

聞道河流足運鹽春來浮送不須錢何當一片西來水
流到梁園舊客前

高岸平陵接下陂春陰滿路釀黏泥烏犍逐艸都閒放
小麥抽苗已斬齊

盡日迂迴苦計程山川風物證圖經唯聞板浦供酸酢
安得雲臺劇茯苓

上市葫苗正及鮮販魚車子更田田今年海上真豐稔
日日微陰小雨天

登池漉井疲村戶覆齋蕘墟祀社公直是民貧祈報儉
不如小鬼在秦中

不蠶不織不晨梳村婦村娃日坐娛誰復長官林大埔

前海州知州林進泉

木棉種絕女桑枯

防倭自昔海東頭列戍連烽亦大州容易麻姑見塵起
巖檣今不度鷹遊

江南三月亂鶯飛故國風光客所知愁絕滄波千里外
東風裁到野棠梨

太倉知州莫君善徵祥芝挽詞三首

上相專征日羣公際盛來十年參幕府百折試雲雷洵
美邦之直當官衆所推開明兼理幹吏事有天才

治亦循貞定名還偶邵亭

君兄子友芝

父兄今絕學儒吏

古通經一謁文翁舍重陪單父庭即談農圃計都見老
成型

卜宅終何許歸田事更虛空悲田豫志未報秣陵書京
國炎風苦婁江夜雨疏淒酸懷舊德經過益躊躇

檢書看劍圖題辭

兔園挾冊擁清班馬廐搖鞭亦大官寥落西川杜工部
真將窮餓怨儒冠

學書我亦鈍如椎仗劍誰能氣似霓即事語君成一笑
人間得失萬蟲雞

歸田圖題辭

田野由來好園林况爾新人情愛芳艸天氣惜餘春絲
竹中年感兒童退處親看君圖畫意吾亦卷風塵

寄叔兄江西四首

時將至梁口廐差

往君初出門秋原帶殘暑一會涉冬春宣南三日伻
蕚冰霜枯假歸再相聚首尾三載中遭廻幾笑語繫余
兄弟間離合動乖午江淮與遼海蹤跡紛可數况乃杖
孤策艱難客都護辰商而晉參彼此各易處安得少小
時歡然相翕煦

宦海瀕無際因風湊羣漚偶焉寄其間寧當計滹浮豈
無非常士束縛不自由豈無學道人湛冥終白頭君初

張季子龍劍卷六
仕爲令俛仰滋慙羞苦心耐煩辱以赴繩墨求決獄亦
細事安貧性所柔何當百僚底歲月聲名收豈不賴拙
激長官要相優人貴彊自植公道無時休

天下苦兵爭乃假車船算朝廷有本意何云較均幹游
民與冗吏緣名利龍斷下各飽所私上猶中課勸嗟哉
道路毗步步澀憂患我家世力農辛苦自習慣君讀從
政書一編曾繼繼民隱當蘇存官用有程憲平亭斟酌
之兩全豈無間幸可爲孔幾尙應恥劉晏

常熟

翁尚書
同蘇

昔謂君理幹過于季謂君甚謹質吳縣

文滂

祖勤
陸公所爲地子培當代賢獨許惴惴吏長官最君能而

復兩其意體用略在茲充盛固匪易世當多難初生居
衆人裏虛名爲寔囚橫福來鬼忌儉德以自戚令聞保
終始載詠小雅篇深維脊令義駒駒遠相勗秋江永千
里

奉和袁爽秋侍御都門贈行即用其韻

云胡昔不樂挂劍客江介願聞桐廬袁乃適以茲會無
端京師遊素冠逐飛蓋旅居隔衡街叩門得所屆寫誠
欵通襟高言破纖塏當時宣武南風節盛冠帶名竟氣
以嚮道長理或泰自此六年別人事日徽繡君方仕爲
郎默守柱史戒下走遼海歸氣與風潏汰所更寧一端

坐覺胸次隘退求農家言遠希笠澤瀨開門偶應舉小
祿庶以賴不爲大敵勇敢同衆人敗君方備臺諫智略
洞中外峩峩神羊冠耿耿朝鳳熾上以啓堯舜下亦厲
曹鄴何當羨歸耕邈焉寄深喟

出都酬沈子培

被放歸時子培方病臨發之晨東詩一章蓋中夜而
作者車中往復悽動心脾宵惟離別之傷抑亦風義
之感因酬二詩

六載經三別連權得幾朝有時偕近局相過必中宵孤
憤融朱穆虛懷禮鄭僑由來隔衢巷尙覺路迢迢

祇我成樽櫟虛君卜茹茅高深文字寄堅苦雪霜交斯
世當相惜勞人或見嘲秋來寥濶意斗北向珠巢

子培所居

街之

附子培贈詩

荒陲重爲別意氣不能驕病假衰顏示情緣減却饒
定心知憊憊削檀想迢迢有約張元伯無令歲過交
聞下斜街舊廡因雨盡圯寄可莊勗臧舅季兼示蘇龕
但不求通百不窮權之自人天無功天巧有時偶相值
意存避就非英雄都門二月上名牒稅駕初主含山翁

盤編修家

糞除所舍使舍客老屋搆郭裁遮風提書趨試

客既去一夕柱折頹垣從巖牆知命古所訓推宅相借
君尤通下斜街北街之東廬舍古木踈篁中晨興愛坐
几席綠夜歸遙識簷鏡紅漫然從人攷坊巷杳家舊址
塵冥濛况乃居此董而月拂衣南下旋匆匆文章猶自
愧方叔宿處誰復知林宗成以何日敗有數屋不負人
天至公生平恥說王夷甫天下何來石世龍

檢粵雅堂叢書寄王可莊修撰

楚庭蒼蒼舊舊吟盧百八叢編易世儲豪舉猶徵民氣樂
肇刊况直我生初

書凡百八十五種咸豐三年伍崇曜始刊自三編季出叢書日後光緒元

年伍紹棠刊

故人拜賜珍千絹使者歸朝載幾車辛苦人間

有林窟肯令感激飽蟲魚

題安吳包倦翁論書篇後用東坡醉墨堂韻索子培蘇
龔和之

古今評書究筆法如入市閱常不休安吳晚出獨精絕
抉摘剝露神鬼愁其言洞洞豁翳障以方虔禮彼何瘳
校量南北別宗派大都得力山東遊軒劉鏞輕翁方綱

訂蘇董妙解時足開煩憂於石辨墨論尤剋但史非士
誰當羞自翁去後四十載來者相踵如成邱撥鏡聞之

李大理聯暮年悔者何道州初基間從濂亭武昌張

叩要領平腕轉筆資推求雄強洞達始平寔遠効寧可

且夕收沈侯於此信非袒鄭君所得今已優相期努力
造通會無嫌墨滯烏茵稠

初秋偶興寄蘇堪

秋至忽如客遠歸差自賢得侍老親疾重翫閑居蕭支
牀就榮蔭薙艸清垓延檀因辟惡蒸茗以益思煎佳日
輒有會新涼時一延薦新得明齊分鮫招華顛桑紺夙
醕釀稻碧初餛餹錯兼紫文蛤鱠佐黃頭鱠本非極飲
饌不取甚濃鮮諧談落織緯既醉猶初筵有時督園圃
任意從林泉與桐釋縛蔓爲芰形叢蓮辦榆郎姑種展
竹西南鞭花幽桂樹短林暈柿窠圓卻病備祀鞠含芬

愛橙櫟來鶯語已熟孳雀巢所便狀隨艸木叩經略禽
魚詮廣之通異域證之寔前箋或讀道書罷或諷仙詩
焉所規扶海垞寧滅桃源天得地且種樹買隣安有錢
懷哉鄭夫子京國方迎遭嘗訂元白約共追皮陸緣此
事竟何日懸勲企歸田晏歲當乞假過江常有船倘來
菰蘆中歡喜聊周旋

題縵卿所藏徐高士榜畫山水

往歲深多月在子曹侯寔然欵門至手中一橙絹本畫
自云所得頗匪易侯家家世本長洲亂後還家認鄉里
湖田厯歷但荒虛山市蕭蕭願戰壘罕從故閱論收藏

時見老兵賣縑紙售金易餅都適然寶鼎康瓠亦聊爾
眼明尺幅煙雲開題名上方徐俟齋旋驚又喜姑置哉
聽持之去與之偕瞥若重遇臨衢街招呼共入酒家飲
一斗竟博涼州回裝池鄭重得完好懸供高閣賓尊鼎
徐曹先世故親舊相對一日三徘徊我聞高士暮年築
艸堂恰枕天平麓斷書甲子永初年謝絕車徒子真谷
偶然作畫易所須來往人間驢徑熟畫本巨然叅倪黃
此仿關仝信晚作高裁二尺三寸強應知略稱驢肩籠
其年壬支日申去高士卒周兩春當時所畫豈一二
散落所獲彌瑰珍靈巖支礪高嶙嶙山水如畫含清醇

祇今世習鮮卑語不見長歌肥遯人

錄甲申以前詩八十餘首寄石公附東三首

昔我嘗爲盞山客今年盡讀盞山詩湖山到眼秋仍好
冰雪看君世未知

滄海東頭鄰舍人歸時時復壯君貧祇今誰是談詩侶
拾橡山中正苦辛

工詩何與窮愁事藉遣窮愁亦未賢我已安排扶海垞
不妨早晚寄吟箋

辟廬喜晤石公敬懷桑根先生

邂逅曾無約編栖尙此才文章池館託風日酒尊開便

使登三策都應感八哀永令堂下路落葉浩成堆

河督奉新許公以哀逝百首見示奉寄

傳聞都水擁旌旄大月東西鬪伐高一夕悲哀纏百詠
幾人銘誄禿千毫愁中魯酒真嫌薄塞後宣房正復勞
鈴閣宵長官燭冷通禪參佛故應豪

爲王子翔庶常題其太夫人課孫圖

通德高門世所聞蒙陽高節况嶙峋貽孫至老傳經學
有子登朝侶近臣差幸五花榮一命故應寸艸負三春
傷心獨對南風棘四十平常下第人

奉呈常熟尙書四首

東坡初出門獨嚮歐陽子昌黎掖後進拳拳在張李古
人慎所緣身名託終始攀隋猶及公州郡忝鄉里十年
遼海軍苦辛狎泥滓公與幕府賤問訊輒書尾知公大
雅人等間不足擬憂患能知幾恂慄斯有斐

少小盛氣志頗亦羞羣狙家世服農畝不眩車輪朱上
稟二人訓下規千載圖江河絕東寫日月躡西徂中間
氣振蕩萬物飛蓬俱常恐願力薄墮此禮義軀悠悠迫
中歲四顧增跼跼思古人遙遙唐與虞

寸志不可遂萬事皆塵埃猶是中國民帝京時一來昔
歲荷推舉冥冥如天開公今再薦士隔絕中路霾由來

得喪際出入材不材公心照四海涕泗生枯荻不遇故
細事纏綿惻中懷丈夫尙施報所報安恃哉

昏昏九衢塵有官未云樂騰騰萬人海機利迸鋒鏑獨
念平生交肺腑相煦煖驅車出國門連朝輒心惡况與
夫子親眷昧重邱獄八年四回別此別非隲若才鈍語
易枝戚均慮無塢江鄉有閒田先歸料鉏耰

瑞安黃先生以六十自壽詩見示報罷將歸賦詩爲獻
當代皇家瑞昭昭獨有公舊助契彭左清望歷咸同報
國成孤憤容臣是兩宮推排何所憾瘖俗况兼聾

一被論兵罪終遷執法官人尊司馬節朝重惠文冠無

補臣當去厯憂帝未安角巾栖轅下炯炯此心丹
却貴求貧樂嫌醒被醉饑就花親寺院賒酒量朝衣有
子賢能孝無田隱當歸當筵誰奏笛猶唱鶴南飛
媿是年家子叨逾不厭頻分均諸弟列愛識丈人真將
夢扶頽翼增酸撫困鱗唯餘一寸意長願百齡春
被放將歸意園祭酒貽書謂僕與君交大似余廷心之
於戴九靈時人擬之泰不華之於煮石山農者妄也

審何足當斯語重悲盛惜奉詩呈別

有蝨無堅堂有蟻無完胃堂傾與衆罹胃腐獨身祟寢
傾寢腐時相忍用深諱一蟻一世界一蝨一智慧奈何

胃與堂如聞結遙嶺

范武但祈死正則能哀歌其言至傷心荒忽搜天魔分
止摧一身報君理則那高皇有成命肺俯礙山河性命
有事在懽悴將如何

大構非一材大樂非一器材器無小大欲儲辨真偽千
金買跛驢良馬將不至寸轡控飛龍應者皆下駟君子
貴知言與人見真意

長河有伏流冥冥自王屋及其出地時所在怒漩復操
舟試中流不到更無陸國工臨劫碁先幾料收局假截
一子顛奚翅衆人辱

少年攬八極常懷無窮思臨當軌轍阻方悟輪穀非不當改輪穀將歸中薪炊戢影事耕鈞四十更不遲徐茅中路語審也聞知之

夫子枉相假自來太學初遭時一詬斥所假彌有餘深心出苦語校量攀戴余天命人事間獨公費踟躕流涕望千載息壤猶區區

因勗臧舍人索諸果木於馮果卿同年

汝桓

百年已決爲農計四海常參種樹書都道馮園名日下
千花萬藥衛精廬

江鄉翠栝不易得文果哀梨得更佳期與清溫長孫子

不愁變枳橘逾淮

馮君尙有河南樹乞與更煩王舍人引水開園甯小事
安心接待九州春

爲祁君肩

師曾

題張石公錢獻之石經題名冊

乾嘉老輩都堅卓便好虛名亦認真韋氏一經家法在
期君不作等閒人

中秋日附舟省叔兄於江西

去年重九日霧曉出江壩歷閩裁周歲辭家又趁船秋
隨佳節換月向旅人圓未甚悲離別匡廬在眼前

至貴溪喜晤叔兄

連山落水到灘分，枕水山城帶暮雲。
入境但饒風俗簡，逢人已說長官勤。
文書堆裏鴉翻樹，衙鼓聲中豕散群。
難得阿兄真耐苦，歸能歡喜報嚴君。

別叔兄歸里

見惟旬日別，經年臨別朝。
來倍惘然量，帶略同三尺。
舊檢梳時訝，一絲宣人間。
憂樂都無賴，海內文章亦浪傳。
隨分終期早，歸隱艸堂果木半齊肩。

古樟

翳翳陰崖日沈沈，絕壑巖孫枝千象。
肘別幹五牛腰積葉從，教腐纏藤亦自翹。
但無雷火及山鬼，儘招搖。

玉山女

迴溪繚層巘一掩一重間
過客時停矚村姝有好顏
芙蓉當粉靚茜艸爲裙殷
不羨藍田璧兒家住玉山

明日

明日仍愁雨來灘已恐人
歸心千里疊殘夢一燈親
雨中望上饒諸山雲氣

將雨山雲忽際天有時山
忽上雲顛晚來更被橫風擾
萬點青蒼盡化烟

東崦纔晴西崦雨南峰旋沒
北峯明不知何處雲無事
坐聽灘頭新漲聲

上灘二十二韻

歸路初桃迴臨灘拾級同水從玉山下舟師貴谿東磊
砢連層碎陂陀會一嶼坻痕新漲到澗道昨宵通隳陞
流逾激巖回澗復沖射催千羽勁挽失萬牛雄大達翻
平妥將旋卻渾融自然成搏躍一瞥遽投空灑灑驚翻
鶴輝輝沒飲虹亂披瑁玉佩纖次水晶葱組練飛旂撓
琉璃覆盎盅跳珠聽的歷噴雪併玲瓏正爾諧琴筑時
還中徵宮蘇眠蠶簇葉合陣鳥喧叢洵洵晴都胸鷓鴣
語忽聲蘊脩齊偃碧楓落偶漂紅響近兼知確停多欲
下賦丸支九折阪弦鼓六鈞弓夜嘯愁山鬼朝泗見裸

蟲更無巫峽夢况滯石尤風傍鷺頻炊飯窺魚輒柱筵
未妨歸路緩鎮日數南鴻

水碓二十四韵

長焱忽盈耳前灘已當目坻碕燕尾分磔何魚鱗蹙竭
一弛一張水一要一束據險利相遮吸遠勢逾蓄急溜
所推排轡車至神速層阪躡圓梯飛輪幹長穀飄沫細
如霏旋注驟疑漉但覺軒輞中未嫌機巧熟伊嚶軋復
鳴訇礧響更續一鳴已一周一周知幾蹴館轄脂兩頭
牙業森四角時後而時先更起而更伏或如鷄引吭或
如鶴俛喙或如龍爪拏或如象齒卓騰中如投壺迴空

如噏鞠吐吞利白敲牽引與聾觸何分杞秣秬以次樞
稗籛得糠豕饗餐爭栖雀吟蹕家家連平糶處處陰脩
竹稻擔時去來篝火夜呼督舟行豈不妨民用庶以足
誰歟衛尉專邈矣征南作隴畝思故鄉川澮在平陸秋
收及是時曉春正相屬

張季子詩錄卷六終

張季子詩錄卷七 自光緒十八年壬辰訖二十三年丁酉錄五十二首

南通張 謇

嘲吳彥復

彥復藏昌化石甚富曾爲題匣時方納姬詩以嘲之
幾年京國吳公子買石揮金肯就貧亦幸尙饒花乳艷
不愁壁立對佳人

才能摹印偏工懶日日高春尙愛眠祇恐他年韓約素
人間無限印文傳
寄酬查翼甫同年

十年鍛羽向衝颺垂去無端上碧霄臣尙有親新受祿

世方多難卻登朝樓船橫海消金帛詞賦長楊狎翠苔
差有寸心堪報謝由來生計是漁樵

題松鶴圖

養鶴應增二頃田種松繞屋長風煙縱教此事都難得
畫裏婆娑也自賢

崢嶸卷裏題詩客寥落人間感舊銘真覺臨川李廷尉
著書不負草堂靈

奉題江寧顧氏忠貞錄從石公之請也

王師失律遼東日吾友從征幕北時軍府文書臣以告
儒門忠孝帝知之九原白日昭昭在一劫沈灰泯泯遺

猿鶴沙蟲紛滿眼更無人覺可勝悲

太夷置酒吳園修禊

陰晴無定亦良辰寂寞相娛祓禊人
野漲乍渾寧許盤林花未盡不妨春
當杯儘聽前朝事賣藥由來海上民
滿把芳蘭勞北望招魂續魄自今頻

禮卿約同小山石公太夷雨中看牡丹用石公均

重陰漠漠亂城鴉積水塘邊舊史家
雨自作泥甯失路天能養葉當扶花
呼燈近壁開書幃沽酒分錢數畫叉
儘有閒人消令節不愁敗興到天涯

唐夫人百花圖爲錕華太守作

大絹三尺皎如雪當花展之兩愁絕千蕪百鄂相撐擊
寒女機絲幾回結太守夫人真爾閒調鈎吮朱籀盃間
不須白壁買奇娉坐憐灼灼金釵環我家有屋滄洲上
花藥臨窻高下向欲憑長句換丹青更乞餘芳作綾幘
同人集書院爲旬會石公示所作詩依韻荅之呈諸君
兼懷前院長武岡鄧彌之補繪

延祖丹陽會溫公洛下英際時皆浩蕩有黨各聲名未
覺江山變相憐意氣生酒徒今正少不醉若爲情
雅復成歡笑隨時得靜便住仍詩老席歸託釣人船春
去清觴裊山來短檣前料能成勝事有暇即周旋

石公招集龍潭餞春和伯虞第一首韵

人間直把春償酒吾輩何因醉問天
近水遠山看老大落花飛絮故芳妍
詩成欄角聽鶯坐客散城陰任馬旋
但苦茲遊未能數等閒樂事要誰傳

吳園看芍藥茶蘼次所語示太夷三首

取次園林只看花茶蘼芍藥一春賒
主人早向神京去我亦花時不在家

垞中最念方橋好非閣非船與夏宜
七尺釣竿三尺簞夕陽裁去月來時

海東尙有棲賢地薄宦終應子不堪
安得剡溪錢百萬

張子詩集卷七
更招沈四與丁三

題陳藍洲山水爲石公作

溪山成水墨艸樹入煙雲
劇愛陳明府將酬顧廣文
幽深諧小築寂寞慰孤醪
亦欲攜家去桃源我所聞

題遜窟圖

滄海橫流劇林臯
遜窟尊安舒容草木佚蕩到雞豚
即此尋虞夏端應長子孫
伊川騰讖久谷口與誰論

有感五行家言

秀才席帽春秋試五行
家言貨奇秘某干某支配衰王
一以天然位人事賤子十六隸
學官千摧百挫生波瀾

桐城夫子慰顛顛懸格比例願與潘亭林生月午年丑
其日干乙支在酉潘年月丑系己丁日時己卯兩干偶
亭林絕學今先河潘福庸庸古稀有歆潘景願任所擇
願逸民耳潘貴壽賤子生年潘願間四十過二窺朝班
拙身江海雜漁釣甘自廢棄蒙群訕五行鑄不到肝肺
天亦自拙人自頑高歌赤足荷鋤去一笑相惜州南山

東城

闊絕東城路分明七載前西流春漲減北轉午風偏驟
暖裘知重仍晴艸欲妍故應鄉國好行李尙年年

病齒示家人

上池輸潤遽失職左輔煩煎殊苦人歛枕挂頤成獨笑
丈夫底事效卿獒

過剛必折相貽戒荷君有焉卿庶幾短什聳牙堪誦否
不然叩齒驗靈飛

東臺謁外祖父母瑩志哀

曉出北關橋萬冢荒纍纍微雨勢初止野風寒正吹啓
輿問遠近約略四里差回溝抱塍角金氏瑩在茲瑩凡
十有三園列隄半規我外王父母居中獨崔巍陳牲醴
再拜口默心致辭孫年八九齡聞母在室時外王父先
卒門戶王母支道光中歲後五歲三苦飢亦有舅七人

各有婦嬰媿棘棘不相保角張自營爲王母慟失明與
母窮相依母以十指血易稻供娘糜自屑豆蔬毀雜以
微鹽蠶王母偶啜嘗撫母淚交頤謂兒十分苦兒苦蒼
天知自母歸府君歲月有遺貽豈得甚甘好故亦窘錢
費自王母之卒母心蓄沈悲望孫早樹立挈孫塋前來
嗚呼母不待孫亦實不才悠悠十六年始得瞻天塋又
以府君恤復爾三年遲今日一尊奠母也嘗見之母既
不獲見九鼎皆塵銷飄飄紙錢燼爛爛宮錦衣紛紛路
旁人晃晃人間兒

重過如皋學宮

泮林煙樹映池箔，衙舍陰陰樹底開。胥吏宅多三世易，
校官碑又幾人來。蘇春庭草猶堪跡，認客巢禽本不猜。
身世難忘桑下宿，恩讎何處溺餘灰。

江寧送內子歸海門

爲娘廿三載，今春始出門。釵裙謝時好，藥食爲醫論。住
乃榮家政，歸歟警客魂。煙波江上路，風雨近黃昏。
寂寞雲姬病，吾寧不念之。夢蘭人有說，驗艾子當知。圖
籍兼料理，園林必護持。還應共貧久，辛苦歲寒時。

題太夷濠堂用原詩首句惜哉此江山爲韵

東風蕩殘春，白日笑穉客。亦有窺眇心，胡爲聊浪迹。惠

施與蒙莊由來視莫逆招呼鍾山雲出入長安陌悠悠
二十年壯盛未容惜

杖策昔從軍東登箕子臺君從爨木下弄摩日珠回當
時一張口氣尙凌八垓風輪儻且暮親見揚塵埃蓬萊
已陵陸滄溟何有哉

沈沈久雨雲混混下江水水去不復回雲開故有俟坐
憐浩蕩中萬億流離子虛望將焉酬空悲亦可恥天地
有端倪俯仰究終始及時且寧靜丈夫要如此

進不苟懷祿退亦非迷邦看君百僚底磊砢無等雙一
堂據濠上不厭隣家哢雞犬瞰其落日月臨其窗高枕

睨萬里白鳥橫烟江

云有汲汲志盡日常閉關遂謂嶄嶄人開門容荊菅群
詼理孤笑時復相往還臨流弄清泚憂來替以歡君其
理漁具我亦投朝冠明年富春渚一路尋黃山

與太夷故有此

約

題揚州鄭茗仙女士畫卷

畫中前輩女中師萬劫冰霜絕命詞儘與流傳等閒事
不應短氣有男兒

聚卿積餘茗生招同繆小山譚復生楊仁山鄭太夷鄧
熙止顧石公觀水嬉秦淮熙之示詩和韵奉荅并呈

諸君

去年獨向潤州回，高會重逢此日開。
羅袂隔簾涼看雨，畫船疊鼓晚轟雷。
老兵記室誰當任，置散投閒亦要才。
長笑新亭成底事，鎮須佳節且銜盃。

題秦淮圖

汴京亦有上河圖，白下曾聞板橋記。
從來士女管興亡，恰好笙歌緯縫燧。
秦淮來潮兼去波，赤烏洪武皆蹉跎。
河山風景等閒耳，子弟爭傳桃葉歌。

經通州西亭雜感四首

荒林古刹傍城東，三宿倉皇記舊蹤。
少便支離成憊懂

不曾解聽飯餘鐘

東門門上有高樓少日憑臨幾度留
老嫗老兵都不在
支柯絡蔓女牆頭

橋南大宅舊名莊廿五年前杜牧狂
客自不來人不待
碧桃花底幾殘陽

市河小閣矮闌支愁絕扶春照影時
祇是蒼波流不住
少年綠髻照成絲

書陳節婦殉夫事

英君控八表貴能得死士士苟爲人
用其賢能義死况
於匹耦間結褵具終始天故不必仁
冰霜概蘭芷一言

既心許丹青踐名理古人豈不然弱息事愈美鼎鼎百
年節忘身識良止浩然同穴人偉哉陳仲子

寄內子並示諸姬九首

四月江頭雨黃昏送別歸祇憐分寂寞中夜一燈輝
側荔纔傳訊連聞唱惱公商量歸慰汝不惜太匆匆
張角衰門甚旋拋已壯丁還勞張筋力禮佛乞寧馨
心燭能承月分光共不疑宵來聽經說歡喜詠螽斯
亦念離家久秋餘接夏前無多行篋物來往著輕棉
江湖自有期江船在來處吾自送將歸若歸有儔侶
向曉出重闕旋輿已過辰院花猶媚主梁燕况辭人

棄地無殘纜臨窗有淨燈空閑時獨檢解事汝曹能
明晦占風雨波濤念起居到家應早晚直待到家書

題陳駿公太守峰泐官隱圖

偃仄難容隱誰何尙愛官止當人自力差覺世猶寬太
守年時政吾儕古處看釣鼈如斬竹唳鶴更尋灘

題徐積餘太守定林訪碑圖十二韵

丙申七月積餘與
梁節庵鄭太夷劉

聚山况葵生周儀同遊
鍾山得陸放翁題名

南宋憑江險鍾山略近邊寂氛時可及過客每潛焉爲
問開禧代誰如務觀年瀟梁老羈旅河洛槃腥羶白髮
來遊偶蒼厓姓氏堅夷吾今亦絕謝客故多賢七序悲

梁竦三長愛鄭虔徐劉才譽並支許勝情聯石墨猶堪
壽文章各自憐追陪吾闕憾圖畫世流傳林壑看成史
江河莫問天祇應開北戶終日對雲煙

贈陳諒三大令賦

侯官制府桐城守吏事推君必絕倫藻鑑風流今已寂
高塗捷勝豈無人九徵未失賢明度一笑相看淡蕩身
便願爲農栖海上好官誰復使君真

積餘屬題王惕甫曹墨琴台書前後赤壁賦卷

楞伽晚師劉石庵婦曹亦學文衡山盛時韻事易美滿
往往墨妙流人間東坡赤壁賦前後分寫合作雙玉環

甲寅到今百餘歲世事萬變風中瀾徐君嗜學有好婦
寶重此卷琪玕玕徵題絡繹盡時儔范姚著意窮追攀
詞章傳否亦有命煙雲一笑烏絲欄

積餘屬題顏平原麻姑仙壇記吳珊瑚夫人故物

末有題云

乙亥春日賜次子雙
繪次媳若君珍藏

消災經與仙壇記楷法精能拓亦嘉檢點百年雙押印
丈夫得婦是徐家

積餘屬題狼山訪碑圖

楊吳天祚題名目鯤壑中央見此山不待千齡變滄海
竟成一掌控江關沙人香火祈田處太守林樾別辭還

見說魚龍方曼衍何當猿鶴共消閑

張季子詩錄卷七終